

Katsorsartittut pisinnaatitaaffi

– Paasissutissat naatsut katsorsartittunut ilaqutaannullu

Region Hovedstadens Psykiatri tassaavoq Danmarkimi tarnip nappaataanik katsorsaasarfiit annersaat. Regionimi tarnip nappaataanik ikiuisarfiuvugut taamaalillutalu socialpsykiatrimut tunngasunik pingasunik ingerlataqarluta neqerooruteqarlutalu. Ukioq 2010-mi tarnimikkut napparsimasut 41.000 missaat nakorsarpavut, kisitsisillu qaffakkaluttuinnarput.

Meeqqat inersimasullu, soorlu makkuninga tarnimikkut napparsimasut skizofrenii, annilaanganermik nappaatillit aamma isumatsassimangaanermik nappaatillit, katsorsartarpavut. Katsorsaaneq Region Hovedstadens Psykiatri-p tarnimikkut nappaatillit centeriani aamma børne-/ ungdomspsykiatriske centerimi (meeqqat inuusuttuaqqallu tarnimikkut napparsimasut centeriini) pisarpoq, sullissiviit Region Hovedstaden-imi siammarsimallutik inissisimapput.

Region Hovedstadens Psykiatri-mi katsorsartinneq pingaarnertut ambulatorie-ni (misissortittarfinni), distriktpsykiatrimi ujartuillutillu suleqatigiinni, pisariaqartitsisoqartilluguluunniit unitsitaanermik kinguneqartartuni ingerlanneqartarpoq.

Asasara katsorsartittoq

Regionsrådigip neriutitigaa una quppersagaq atorlugu naakkaluartumik katsorsartittutut suut pisinnaatitaaffiginerlugit paasiniarsinnaassagitit. Quppersagaq una atuartillugu apeqqutissaqalissagalaruit taava katsorsartillutit passunneqarfinni sulisut imaluunniit katsorsartittunut siunner-sorti sukkulluunniit saaffigisinnaavatit.

Pisinnaatitaaffitit suunersut annerusumik paasisaqarfigerusukkukkit itinerusumik paasisassarsiorfigisinnaavat ilitersuusiaq "Patientret-tigheder - en vejledning for patienter og pårørende" ("Katsorsartittut pisinnaatitaaffii - katsorsartittunut ilaquataannullu ilitersuutit"). Sulisut qinnuigisinnaavatit taanna ilinnut tunniuteqqullugu, aammali Region Hovedstadens Psykiatri's hjemmeside-mi taanna paasisutissarpasuullu allat pissarsiarisinnaavatit, iserfigalugu: www.psykiatri-regionh.dk.

Nammineq aalajangiissaatit

Nammineq aalajangiisinnaaneq nalinginnaasumik atuutitersarpoq 15-inik ukioqalernermit.

Illit nammineerlutit aalajangissavat misissortinnissamik suliaritinnissamillu neqeroorut akueriumassanerlugu. Akuersiguit peqataajumallutit nalunaassaatit. Nammineerlutit akuersininnik nalunaarsinnaassanngikkuit alla illit sinnerlutit isummertussaassaaq. Nalinginnaasumik sinnerlutit aalajangiissusat tassaasarput ilaquttat qaniginerpaasat.

Suliarineqarnerit/katsorsarneqarnerit allanngortinneqarpat nutaamik aammaarlutit paasitinneqassaatit taamalu aalajangeqqittariaqalissallutit nutaamut tassunga akuersinerlutit.

Inuuninnut navianartorsiortitsisumik pisoqalissagalarpat illillu nammineq akuersinissannut nalunaariarsinnaajunnaaqqallutit, taava nakorsap ingerlaannartumik katsorsarlutit passutilersinnaavaatit, naak illit nammineq imaluunniit ilaquttatit taama katsorsaasoqarnissaanut akuersillusi allanngortinneqassagalarpat.

Tarnip nappaataanik katsorsartittut immikkorluinnaq pisoqartillugu pinngitsaalillugit katsorsarneqalersinnaasarput. Taamak pinngitsaalil-lutit katsorsartariaqalersimaguit pisinnaatitaaffitit pillugit paasisutis-sat nassaarisinnaavatit quppersakkami "Tvang i psykiatrien" (Tarnip nappaataanik katsorsaaner-mi pinngitsaaliilluni passussisoqaleraangat")

Ministeriet for Sundhed og Forebyggelse-p saqqummersitaa (Peqqinnissamut Pinaveersaartitsinermullu Ministerieqarfik). Qupper-sagaq katsorsaaveqarfimmi pissarsiarisinnaavat imaluunniit aamma nassaarisinnaavat ministeriep hjemmeside-ani (Takuuk Adresset).

Nappaat katsorsarneqarnerlu pillugit paasitinneqarnissannut pisinnaatitaavutit

Pisinnaatitaaffigaat paasitinneqassallutit ilaatigut qanoq katsorsaasoqar-sinnaaneranut taamalu katsorsaasoqarpat taassuma inernerisinnaasai pillugit, tamakkununga ilaatillugit katsorsaasoqarnerani nappaam-mut ilakutannguussinnaasut suunersut kiisalu nakorsaaitortitaanermi saniatigut sunniutigisinnaasai (kingunerlutsitsissutigisinnaasai). Kiisalu aamma paasitinneqartussaavutit katsorsaariaaseq neqeroorutigineqar-toq piumanngikkukku tamanna qanoq ilinnut sunniuteqassanersoq/kinguneqassanersoq.

Aamma nakorsaq oqaluttuussinnaavat paasisutissat ilaat tusassallugit orniginngikkitt.

Elektroniskimik allattuilluni nalunaarsuineq

Tarnip nappaataanik katsorsaaveqarfiup illit pillutit paasisutissat nalu-naarsortarpei. Taamaaliornissaq pisariaqarluinnarpoq katsorsarneqarnerit pitsaanerpaamik ingerlassappat. Pisinnaatitaaffigaat illit pillutit paasis-sutissat nalunaarsorneqarsimasut suunersut paasitinneqassallutit.

Kiisalu katsorsartinninnut atatillugu nakorsat aamma katsorsaaveqarfim-mi peqqissaasutut sulisut allat illit pillutit paasisutissat e-journalimiittut (elektroniskimik allattuilluni nalunaarsukkat) imaluunniit aamma taa-maattuni allaniittut ujarlerfigalugit paasisassarsiorfigisinnaavaat.

Sulisunut katsorsarfigisannulluunniit taama kissaateqartunut piumasa-risinnaavat, illit pillutit paasisutissat elektroniskimik allattuilluni katersorneqarsimasuniittut allat, ujarlerfigineqassanngitsut. Peqqiss-aasutut sulisup paasitittariaqassavaatit taama kissaateqarnerit katsorsar-neqarinnut qanoq sunniuteqassanersoq/kinguneqassanersoq.

Allattugaatinit paasisasarsiorsinnaaneq

Kinaluunniit 15-inik ukioqalereersimasoq allattugaatinit paasisassarsiorsinnaatitaavoq, tassa nammineq pilluni allattugaatit (journal-ip) assilineqarnerinik pissarsisinnearluni. Immikkoortoq katsorsartiffigisimasat qinnuteqarfigisinnaavat illit pillutit allattugaatit qimerloorumallugit imaluunniit assilineqarnerinik tunniussivineqaqqullutit. Taama qinnuteqarnerit ullut 10 qaangiutsinnagit akissuteqarfigineqartussaavoq.

Illit journalit Sundhed.dk-mi

Illit pillutit allattugaatit elektroniskimik nalunaarsukkat (e-journal) ilaat takusinnaareerpatit una imlt. internettikkut iserfigalugu www.sundhed.dk, aatsaalli appakaassutigisinnaasannik NemID-mik imaluunniit elektroniskimik atsiuummik peqaruit. 1. oktober 2008 aallartiffigalugu journalinut allattukkat napparsimmavimmi imaluunniit tarnip nappaataanik katsorsaaveqarfimmi katsorsartinnernik imaqartut e-journalinut allattugaalerput. Paasisutissat iserfigineqarsinnaalersarput nalunaarsorneqarnerinit ullut 14 qaangiukkaangata.

Nappaatit pillugu kikkut paasisinneqartarpat?

Katsorsaaveqarfimmi sulisut nipangiussisussaataitapput - aamma ilaquttanut qaninnerpaanulluunniit. Illit kisivit aalajangertussaavat sulisut illit atukkatit pillugit allanut oqaaseqarsinnaassanersut. Taamaaliortoqassappallu kikkut qanoq annertutigisumik paasitissinneqassanersut.

Katsorsaaveqarfimmit angerlartinneqaruit pisariaqartinneqarsimappallu tamatuma kingorna ornigutiinnartarlutit misissorneqartariaqarsimassaguit tamakku naammassereerpata illit nakorsat imaluunniit nakorsaqaq alla ilinik Katsorsaaqquisimasoq katsorsartissimanerit pillugu allakkatigut nalunaarusiamik nassinneqassaaq. Taama allakkatigut nalunaarusiortoqarnissaa kissaatiginnigikkukku katsorsaaveqarfimmi sulisunut oqaatigissavat.

Napparsimmavimmik nammineerluni toqqaasinnaaneq anner-tusisamillu misissortinnermi katsorsarneqarnermiluunniit pisinnaatitaaffiit.

Pisortat imaluunniit namminersortut katsorsaaveqarfianni katsorsartisanerlutit toqqaasinnaaninnut pisinnaatitaaffitit periarfissatillu pillugit paasisutissat allakkani qaaqqusissutiniittut atuarsinnaavatit. Annertunerusunik paasisutissarsiorusussaguit qaaqqusissummut tapiliullugu

nassiunneqartuq quppersagaq "Sygehusvalg" ("Napparsimmavimmik toqqaanissaq") Ministeriet for Sundhed og Forebyggelse-p saqqummersitaa (Peqqinnissamut Pinaveersaartitsinermullu Ministerieqarfik) atuarsinnaavat. Aamma katsorsaaveqarfimmi peqqissaasutut sulisut imaluunniit katsorsartittunut siunnersortip quppersagaq ilinnut tunniussinnaavaat.

Inuunermut navianartorsiortitsisumik nappaatilimmik katsorsaasoqartussaananik uppersaata

Atuarsinnaavatit inuunermut navianartorsiortitsisumik kræfteqartunut aamma uummammikkut nappaateqartunut immikkut piffissaliisernerit malittarisassiallu quppersakkami "Maksimale ventetider" ("Utaqqisariaqarnerup sivisunerpaaffissai") Ministeriet for Sundhed og Forebyggelse-p saqqummersitaani (Peqqinnissamut Pinaveersaartitsinermullu Ministerieqarfik). Sulisut imaluunniit katsorsartittunut siunnersortip quppersagaq ilinnut tunniussinnaavaat.

Ajoqusiisoqarpa?

Misissorneqartillutit, katsorsartillutit imaluunniit paarineqartillutit ajoquserneqarsimaguit imaluunniit arlaannik aalajangersimasumik pisoqarpat illit ajoquserneqarninnik kinguneqariaannarmik, taava tassaasarpoq piaarinaatsoornikkut taamaaliortoortoqartoq.

Taama pisoqartoortoqarpat katsorsartittoq taassumalu ilaqtai pisoq pillugu (uparuaallutik) nalunaaruteqassapput, tassa peqqissaasoqarfimmi tamakku ilinniutigineqarsinnaammata.

Nalunaaruteqarniaruit periarfissat marluupput. Internet-ikkut elektromiskimik iserfigalugu: www.dpsd.dk, tassa Dansk patientsikkerhedsdatabase (Qallunaat katsorsartittut ulorianartorsiortinneqannginnissaannut nalunaarsuiffik/database), imaluunniit aamma pappiala immersortagaq atorlugu, taanna katsorsartittunut siunnersortimit piniarsinnaavat. Piaarinaatsoorluni taamaaliortoornert pillugit nalunaarusiortarneq pillugu annertunerumik paasiniaasinnaavutit Patientombuddet-ip (Katsorsartittunut Ombudsmandeqarfik) hjemmeside-ani iserfigalugu: www.patientombuddet.dk, aamma Patientombuddet-ip peqitaliaani "Hjælp os med at lære, hvis noget er gået galt" ("Ikiortigut ilinniutigisinnaaqqul-lugu ajoqusiisoqarsimappat"), imaluunniit attaveqarfigisinnaavatit sulisut imaluunniit katsorsartittunut siunnersorti.

Tarnip nappaataanik katsorsaaveqarfimmukaqqunearpit misissortissagavit imaluunniit suliarineqassagavit

↓ AAP

Napparsimmavimmik nammineerlutit toqqaasinnaaneq atorpiuk, tassa tarnip nappaataanik katsorsaaveqarfik pisortatigoortoq nalinginnaasumik saaffigisartagassannit allaanerusoq suliaritiffigissallugu toqqarpiuk?
Imaluunniit misissortinnermi katsorsarneqarnermilu/-unniit pisinnaatitaaffiit annertusisaq atorpiuk, tassa katsorsaaveqarfik namminersortoq toqqarpiuk?

↓ NAAGGA

Pensionist-iuit?

AAP →

Tamanut angallatit napparsimmavimmik (immikkoortup ingerlanneqarpoq)

Immikkoortup ingerlanneqarpoq

↓ NAAGGA

Tarnip nappaataanik katsorsaaveqarfik angerlarsimaffinniit 50 km-it sinnerlugit ungasitsigaa?

AAP →

Tamanut angallatit napparsimmavimmik (immikkoortup ingerlanneqarpoq)

Immikkoortup ingerlanneqarpoq

↓ NAAGGA

Tarnip nappaataanik katsorsaaveqarfimmut arlaleriarlutit takkuttariaqassavit (suliarineqarnerup ataatsip iluani) imaluunniit nakorsap peqqusineratigut qasuersaariarlutit angerlarallassavit?

AAP →

Tamanut angallatit napparsimmavimmik (immikkoortup ingerlanneqarpoq)

Immikkoortup ingerlanneqarpoq imaluunniit nammineq bi...

↓ NAAGGA

Qulaani taaneqareersunut akuusinnaavit?

(siumut utimullu angalaninnut aningaasaliit akusissat aappassaaneerlutit takkunninniit aningaasaliit utertoorigitinn...

NAAGGA

**Tarnip nap
katsorsaave
angerlaria
issimas
ingerlanne**

paataanut eqarfiliarluni artorlunilu suulluni neqarneq

Ingerlanneqarnermut aningaasartuutininik utertoortisiat tunniunneqassappata toqqaamaviit

- Ingerlanneqarneq pissutsit malillugit akikinnerpaamik navianaateqanngitsumilli angallassissuteqarluni pissaaq
- Utertoortisiat aningaasartuutigisimasavinnit amerlanerusinnaanngillat

Ingerlanneqarnissat nammineerlutit isumagalugulu akilissavat

Aningaasartuutivit ilaat utertoortisiarinnaavatit:

- Pensionistiuguit,
- Angerlarsimaffiit tarnip nappaataanik katsorsaaveqarfik nalinginnaasumik saaffigisartagassanit 50 km-it sinnerlugit ungasitsigippat, imaluunniit
- Arlaleriarlutit tarnip nappaataanik katsorsaaveqarfimmu-kartariaqassaguit (suliarineqarnermi ataatsimi) imalluunnit nakorsap peqqussutigisaanik qasuersariarlutit angerlallartariaqassaguit.

ssiat ilaaffigalugit
viliarsinnaavit?
(up naliliinera)

AAP

NAAGGA

qarnissat isumagissavaa

Ingerlanneqarnissat nammineerlutit isumagissavat

Ingerlanneqarnermut aningaasartuutivit 25 kr. qaangersimappatigit taakku tarnip nappaataanik katsorsaaveqarfimmiit utertoortigisinnaavatit.

ssiat ilaaffigalugit
viliarsinnaavit?
(up naliliinera)

AAP

NAAGGA

qarnissat isumagissavaa

Ingerlanneqarnissat nammineerlutit isumagissavat

Siumut utimullu bilennnut aningaasartuutivit 60 kr. qaangersimappatigit taakku tarnip nappaataanik katsorsaaveqarfimmiit utertoortigisinnaavatit.

ssiat ilaaffigalugit
viliarsinnaavit?
(up naliliinera)

AAP

NAAGGA

qarnissat isumagissavaa
lerlutit ingerlasinnaavutit

asartuutivit 60 kr. qaangersimappatigit
ngasartuutit katsorsaaveqarfimmiit
eqarsinnaapput)

Ingerlanneqarnissat nammineerlutit isumagalugulu akilissavat

Ingerlanneqarnissat nammineerlutit isumagalugulu akilissavat

Oqaloqatigiinneq, maalaaruteqarneq taarsiivigineqarnerlu

Maalaaruteqarsinnaavutit peqqissaasutut sulisup tamakkulerisutut ilinnik katsorsaaniarluni suleriaasia ippinnartoqarsorigukku, aamma isumaqaruit peqqissaasutut sulisup illit katsorsartittutut pisinnaatitaaffitit ataqqinagit sullissisoq. Maalaarutit taamaattut Sundhedsvæsenets faglige Disciplinær-nævn-ip (Peqqissaasoqarfiup Sullissisutut Ileqqussanik Malinneqqissaar-sinnaanermut Ataatsimiititaliaa) suliarisarpai, taamaakkaluarli maalaarut Patientombuddet-imut nassiunneqartussaavoq (takuuk Adresset).

Peqqissaasoqarfiup katsorsarneqarninnik ingerlatsinera maalaarutiginiarukku imaluunniit isumaqaruit peqqissaasoqarfiup illit katsorsartittutut pisinnaatitaaffitit ataqqiniarsimangikkai, maalaarutit Patientombuddet-imit suliarineqassaaq.

Patientombuddet-imut allakkatigut maalaaruteqaruit peqqissaasutut sulisup tamakkulerisutut ilinnik katsorsaaniarluni suleriaasia imaluunniit katsorsarneqarnerpit ingerlanneqarnera pillugu, taava neqeroorfigineqassaait katsorsaaveqarfimmi sulisullu oqaloqatigiinnissassinik. Taamaalillutit periarfissinneqassaait apeqqutinngortissimasavit imaluunniit paatsooqatigiissutaasimasinnaasut qulaajarnissaannut inissinnissaannullu.

Maalaarutit nassiunneqareersimassaaq ukiut marluk qaangiutsinnagit pissutsit maalaarutiginiakkatit maalaarutigisariaqartut paasinerisa imaluunniit paasisimalereersimasariaqarnerisa kingorna. Aammalu pissutsit maalaarutiginiakkatit pisimassapput ukiut tallimat kingulliit iluanni.

Aamma Patientombuddet-imut maalaarutit ingerlatissavat aalajangiinerit assigiinngitsut maalaarutiginiarukkit soorlu aalajangiinerit ingerlanneqarnermut, napparsimmavimmik nammineerluni toqqaasinnaanermut, taamattaq annertusisamut, katsorsaasoqartussaananerik uppernarsaatit kiisalu nutserisoqartussaananermut tunngasut pillugit. Patientombuddet-ip allaganngorlugu maalaarutit tigoreersimassavaa qanoq aalajangiisoqarsimanerani naluunarfineqarnerneerit sap. ak. 4 qaangiutsinnagit. Taamaakkaluq Patientombuddet-ip immikkorluinnaq ittunik pissutissaqartillugu maalaarutit piffissaliunneqartoq sap. ak. 4 qaangiutereersut aatsaat tunniunneqaraluartoq suliarisinnaavaa.

Napparsimmavimmi sullissineq, oqaluuteraaseq, illumi avatangiisivit pillugit imaluunniit napparsimmavimmi nerisassisutaasartut naammaginngikkukkit kajumissaassavatsigit katsorsaaveqarfimmi pisortat/oqartussat saaffigeqqullugit.

Patientforsikring-imut (Katsorsartittunut Sillimmasiisarfik) taarsiivigineqaaqullutit qinnuteqarsinnaavutit (takuuk Adresset) misissorneqartillutit imaluunniit paarineqartillutit ajoquserneqaruit. Ajoquserneq nalunaarutigineqassaaq ajoquserneqarsimallutit paasinerata imaluunniit paasisimale-reersimasariaqarnerata kingorna kingusinnerpaamik ukiut 3-nngortinnagit, aammalu ajoqusiisoqarneraniit ukiut 10 qaangiutsinnagit.

Kontaktperson-ivit (illit attaveqarfigisartakkat) imaluunniit katsorsartittunut siunnersortip ikiorsinnaavaatsit ilitsersorlutilluunniit maalaarutiginiakkanik imaluunniit taarsiivigeqqullutit qinnuteqaatinnik allagaqarninni.

Katsorsartinnerpit imaluunniit uninngatitaanerpit nalaani pinngitsaalilutit katsorsarneqartariaqalersimaguit pisussaaffigaat katsorsartittunut siunnersortissannik pissarsisinneqarnissat. Katsorsartittunut siunnersortip pisussaaffigaa tarnip nappaataanik katsorsaaveqarfimmut unitsinneqarnerpit nalaani, uninnganerpit katsorsarneqarnerpillu nalaani pissutsit suulluunniit pillugit siunnersussallutit ilitsersussallutillu. Siunnersortip aamma maalaaruteqarniaruit ikiussavaatit.

Pinngitsaalillutit katsorsarneqarninnut atatillugu maalaaruteqarsinnaavutit Det Psykiatriske Patientklagenævn-imut (Tarnip Nappaataanik Katsorsartittut Maalaarutaat Pillugit Ataatsimiititaliaq) (takuuk Adresset). Maalaarutit katsorsaaveqarfimmi katsorsartiffinni sulisunut tuniussinnaavat taakkulu pisussaapput maalaarutit ingerlateqqissallugu. Det Psykiatriske Patientklagenævn-imut maalaaruteqarsinnaaneq piffissamik killeqartinneqanngilaq.

Kontaktpersonit (saaffigisartakkat)

Katsorsaaveqarfimmut unitsinneqaruit ullut marlunnit sivisunerusumik imaluunniit marloriarnermit amerlanernik ornigutiinnarlutit suliarineqartassaguit kontaktpersoni imaluunniit arlallit qaninnerusumik immikkut attaveqarfigisalissavatit. Katsorsartinnerpit ullut marluk qaangersimassanngippagit pisariaqartivissagukkulu kontaktpersonissannik toqqaasoqarnissaa neqeroorutigineqarsinnaavoq.

Region Hovedstaden-mi Tarnip Nappaataanik Katsorsaaviup angunia-gaaniippoq katsorsartinnerpit ullua suullermiit kontaktpersonilerneqarnissannik neqerooruteqarsinnaaneq.

Nutserisoqartariaqassaguit

Nutserisoqarnissannut pisinnaataavutit katsorsartinninnut atatillugu nutserisoqarnissat nakorsap pisariaqarluinnarsorippagu.

Ilisimatusarnermi misiliinerit nammineq aalajangissavat

Aperineqarsinnaavutit ilisimatusaatigalugu misiliinerit ilaannut peqataarusunnertut. Taama pisoqaraangat misiliineq pillugu paasissutissanik tunineqassaatit ilinnut oqaatigalugit aammalu allaganngorlugit tunniuneqartussanik, kiisalu illit akuersissummik atsiornut aatsaat misiliinerimi peqataatinneqarsinnaavutit. Misiliinerup nalaani qanoq ilisukkulluunniit peqataajumajunnaarlutit nalunaarsinnaavutit. Misiliinermut ilaajumanak nalunaaruit tamanna katsorsartinninnut soorunami kingunipiloqaataassanngilaq.

Ilinnit aaversiissutit timinniillu misissugassarsiat aalangiiffiginnaavatit

Aalajangersinnaavutit ilinniit aaversiissutit aammalu timinniit misissugassarsiat napparsimmavimmi toqqorsimaneqartut taamaallaat atorineqarsinnaasut illit katsorsartinninnut atasuni taamalu ilisimatusarnermi allanilu atorineqartussaassanatik. Taama kissaateqaruit saaffigissavat Sundhedsstyrelsen Vævsanvendelsesregister (Peqqissaasoqarfiup Timinit Misissugassarsiat Atorneqarnissaannut Nalunaarsuiffia) (takuuk Adresset). Piumasaqaatiginnaavat misissugassarsiat sinneruttut suujunnaarsinneqassasut imaluunniit imikkorluinnaq ittunik pissutissaqassaguit, taakku ilinnut tunniunneqassasut.

Toqusup timaata misissorneqarnissaanut allaganngorlugu akuersineq

Nakorsatut ilisimatusarnermut atatillugu toqusut timaat misissorneqarsinnaapput, kisiannili aatsaat toqusoq toqtinnani akuersissummik atsiorsimareeraangat, imaluunniit qanigisat qimataasut akuersippata. Toqusup taama timiminik misissuisoqarnissaanut akuersinerminut tapiullugu piumasarisinnaavaa ilaqtutani qimatani qaninnerpaat aamma akuersippata aatsaat timini misissorneqarsinnaassasoq. Allaganngorluguli aalajangeruit timit ilisimatusarnermi ilinniartitaaner-milu atorineqartussanngorlugu kingornutassarsiaritikkumagit tassunga ilaqtutatit assortueriarsinnaassanngillat.

Toqup kingorna timip pisataanik tunissuteqarsinnaanermut akuersissut

Timip pisataasa ilaat allap timaanut ikkullugu atorneqalersinnaassapat nakorsat allaganngorlugu akuersissummik tunineqaqqaarsimasusaapput toqusup toqutinnani nammineq atsiorsimasaanik imaluunniit ilaqutaasut atsiorsimasaannik.

Periarfissaqarputit aalajangissallugu timivit pisataanik atueqqittoqarsinnaassapat ilaqtatit akuersisinneqaqqaarsimassasut. Kissaatit Donor-registerimut nalunaarsortissinnaavat (Timip Pisataanik Tunniussanut Nalunaarsuiffik) (takuuk Adresset).

Kissaat Kingulleq (Livstestamente)

Allaganngorlugu kissaatinni kingullermi (livstestamentinni) ilaatigut ersersissinnaavat toqu allaqquttussaajunnaarsimappat inuunerit sivtorsarlugu katsorsaaniartoqassanngitsoq. Kissaatit Livstestamenteregisterimi (Kissaat Kingullermut Nalunaarsuiffik) nalunaarsortissinnaavat.

Katsorsartittunut siunnersorti

Region Hovedstaden-imi katsorsartittunut siunnersortit regionip napparsimmaviini allaffeqartarput. Illit nammineq toqqassavat katsorsartittunut siunnersorti sorleq attaveqarfigerusunnerlugu.

Katsorsartittunut siunnersortip ikiorsinnaavaatit arlaannik nalornisoorfeqaruit apeqqutissaqaruillu, soorlu napparsimmavimmik nammineerluni toqqaasinnaanermut, aamma allattugaatinik paasisarsiorsinnaanermut imaluunniit sumut maalaaruteqarsinnaanermut tunngasuni. Katsorsartittunut siunnersorti aamma peqataasinnaavoq illit katsorsaaveqarfimmilu sulisut akornassinni paatsoorutaasimalersinnaasut qaangerniarlugit suliniuteqartoqarnerani.

Katsorsartittunut siunnersorti sianerfigisinnaavat imaluunniit ornillugu saaffigisinnaavat. Sulisut katsorsartittunut siunnersortimik attaveqarninnini ikiorsinnaavaasit paasitillutillu taakku sumi adresseqarnersut qaqugukkullu allaffii ammasarnersut. Paasisuttissat tamakku aamma napparsimmaviit hjemmeside-ni allattorsimasarput. Region Hovedstaden-imi katsorsartittut siunnersortaasa telefoniisa normui quppernermi kingullermi takusinnaavatit.

Adresset

Maalaarneq taarsiivigineqarnerlu

Katsorsartittunut Ombudsmandeqarfik

Finsensvej 15

2000 Frederiksberg

Tlf.: 72 28 66 00

E-mail: pob@patientombuddet.dk

www.patientombuddet.dk

Peqqissaasoqarfiup Sullissisutut Ileqqussanik Malinneqqissaarsinnaanermut Ataatsimiititaliaa

Katsorsartittunut Ombudsmandeqarfik adresseqatigaa

Tarnip Nappaataanik Katsorsartittut Maalaarutaat Pillugit Ataatsimiititaliaq Naalagaaffiup Ingerlatsiveqarfiani Hovedstaden-imi

Borups Allé 177

2400 København NV

Tlf.: 72 56 70 00

E-mail: hovedstaden@statsforvaltning.dk

www.statsforvaltning.dk

Tarnip Nappaataanik Katsorsaaveqarfimmi Sct Hans-imi katsorsartittunut Tarnip Nappaataanik Katsorsartittut Maalaarutaat Pillugit Ataatsimiititaliaq Naalagaaffiup Ingerlatsiveqarfiani Sjælland-imi

Dronningens Gade 30

4800 Nykøbing F

Tlf.: 72 56 76 00

E-mail: sjælland@statsforvaltning.dk

www.statsforvaltning.dk

Katsorsartittunut Sillimmasiisarfik

Nytorv 5, 3.

1450 København K

Tlf.: 33 12 43 43

E-mail: pf@patientforsikringen.dk

www.patientforsikringen.dk

Napparsimmavimmik toqqaaneq utaqqisuniinnerullu sivisussusaa

Napparsimmavimmik toqqaanermut Kateruffik

Rigshospitalet, Afsnit 7561

Tagensvej 20, Opgang 75, 6. sal

2200 København N

Tlf.: 35 45 41 19

E-mail: fritvalg@rh.regionh.dk

Peqqissaasoqarfimmi Oqartussat

Peqqinnissamut Pinaveersaartitsinermullu Ministerieqarfik

Slotsholmsgade 10-12

1216 København K

Tlf.: 72 26 90 00

E-mail: sum@sum.dk

www.sum.dk

Peqqinnissaqarfimmi Aqutsisoqarfik

Islands Brygge 67

2300 København S

Tlf.: 72 22 74 00

E-mail: sst@sst.dk

www.sst.dk

Region Hovedstaden

Kongens Vænge 2

3400 Hillerød

Tlf.: 38 66 50 00

E-mail: regionh@regionh.dk

www.regionh.dk

Nalunaarsuiffeqarfiit

Timip Pisataanik

Tunniussanut Nalunaarsuiffik

Rigshospitalet, Afsnit 9532

Blegdamsvej 9

2100 København Ø

Tlf.: 35 45 52 69

www.sundhed.dk

Kissaat Kingullermut Nalunaarsuiffik

Rigshospitalet, Afsnit 9532

Blegdamsvej 9

2100 København Ø

Tlf.: 35 45 52 69

www.sundhed.dk

Misissugassiat Atorneqarnissaannut Nalunaarsuiffik

Sundhedsstyrelsen

Islands Brygge 67

2300 København S

Tlf.: 72 22 74 00

www.sundhedsdata.sst.dk

Region Hovedstaden-imi katsorsartittunut siunnersortit telefoniisa normui:

Attaveqarfigineqartarfii:

Ataasinngornermiit sisamangornermut, nal. 10 – 13

kiisalu tallimangornermi: nal. 10 – 12

Amager Hospital	38 66 66 31
Bispebjerg Hospital	38 66 66 32
Bornholms Hospital	38 66 66 33
Frederiksberg Hospital	38 66 66 34
Frederikssund Hospital	38 66 66 35
Gentofte Hospital	38 66 66 36
Glostrup Hospital	38 66 66 37
Helsingør Hospital	38 66 66 39
Herlev Hospital	38 66 66 40
Hillerød Hospital	38 66 66 41
Hvidovre Hospital	38 66 66 42
Regionsgården	38 66 66 43
Rigshospitalet	38 66 66 44

Region Hovedstaden-imi Tarnip
Nappaataanik Katsorsaasarfik
Kristineberg 3
2100 København Ø



Psykiatri

Telefon: 45 11 20 00
E-mail: psykiatri@regionh.dk
www.psykiatri-regionh.dk